

420 peniaga dikompaun sepanjang PKPB

Mei 16, 2020 Ditulis oleh Media Baharu



KUALA LUMPUR, 16 Mei - Setakat semalam, seramai 420 peniaga dikenakan kompaun atas pelbagai kesalahan termasuk, gagal meletakkan tanda harga.

Pengarah Penguasa Kementerian Perdagangan Dalam Negeri dan Hal Ehwal Pengguna Malaysia (KPDNHEP), Datuk Iskandar Halim Sulaiman menegaskan pihaknya tidak akan berkompromi terhadap mana-mana peniaga yang cuba mengambil kesempatan dengan menaikkan harga barang sepanjang tempoh Perintah Kawalan Pergerakan Bersyarat.

Selain pematuhan harga, penguasa KPDNHEP turut memantau pematuhan prosedur operasi standard di lebih 2,000 premis perniagaan seluruh negara, sejak Rabu lalu.

Ia termasuklah amalan pemakaian pelitup separuh muka, penyediaan cecair pembasmi kuman selain peraturan penjarakan sosial dalam kalangan peniaga dan pelanggan.

<https://berita.rtm.gov.my/index.php/ekonomi/18396-420-peniaga-dikompaun-sepanjang-pkpb>